



公羊傳

卷之十一

仁
1928
7



四七二
1928
七止



公羊傳卷十一

定公

元年春王

定何以無正月正月者正即位也定無正月者即位後也即位何以後昭公在外得入不得入未可知也曷為未可知在季氏也定哀多微辭主人習其讀而問其傳則未知已之有罪焉爾

三月晉人執宋仲幾于京師不與大夫之葬不與仲幾之罪何不襄城也其言于京師何伯討也伯

討則其稱人何也曷為貶不與大夫專執也曷為
三不與實與而文不與文曷為不與大夫之義不得
專執也

夏六月癸亥公之喪至自乾侯

戊辰公即位

癸亥公之喪至自乾侯則曷為於戊辰之日然後
即位正棺於兩楹之間然後即位子沈子曰定君
乎國然後即位即位不日此何以日錄乎內也

秋七月癸巳葬我君昭公

九月大雩

立煬宮

煬宮者何煬公之宮也立者何立者不宜立也立
煬宮非禮也

冬十月實霜殺菽

何以書記異也此災菽也曷為以異書記異大乎災
也

二年春王正月

夏五月壬辰雉門及兩觀災

其言雉門及兩觀災何兩觀微也然則曷為不言
雉門災及兩觀主災者兩觀也主災者兩觀則曷
為後言之不以微及大也何以書記災也

秋楚人伐吳

冬十月新作雉門及兩觀

其言新作之何修大也修舊不書此何以書譏何
譏爾不務乎公室也

三年春王正月公如晉至河乃復

三月辛卯邾婁子穿卒

夏四月

秋葬邾婁莊公

冬仲孫何忌及邾婁子盟于枝

四年春王二月癸巳陳侯吳卒

三月公會劉子晉侯宋公蔡侯衛侯陳子鄭伯許男
曹伯莒子邾婁子頓子胡子滕子薛伯杞伯小邾婁
子齊國夏于召陵侵楚

夏四月庚辰蔡公孫歸姓帥師滅沈以沈子嘉歸殺
之

五月公及諸侯盟于臯鼬

杞伯戊卒于會

六月葬陳惠公

許遷于容城

秋七月公至自會

劉卷卒

劉卷者何天子之大夫也外大夫不卒此何以卒我主之也

葬杞悼公

楚人圍蔡

晉士鞅衛孔圉帥師伐鮮虞

葬劉文公

外大夫不書葬此何以書錄我主也

冬十有一月庚午蔡侯以吳子及楚人戰于伯莒楚

師敗績

吳何以稱子夷狄也而憂中國其憂中國奈何伍子胥父誅乎楚挾弓而去楚以于闔廬闔廬曰士之甚勇之甚將為之興師而復讐于楚伍子胥復

曰諸侯不為匹夫與師且臣聞之事君猶事父也
虧君之義復父之讐臣不為也于是止蔡昭公朝
乎楚有美裘焉囊瓦求之昭公不與為是拘昭公
於南郢數年然後歸之於其歸焉用事乎河曰天
下諸侯苟有能伐楚者寡人請為之前列楚人聞
之怒為是興師使囊瓦將而伐蔡蔡請救于吳伍
子胥復曰蔡非有罪也楚人為無道君如有憂甲
國之心則若時可矣於是興師而救蔡曰事君猶
事父也此其為可以復讐奈何曰父不受誅子復

讐可也父受誅子復讐推刃之道也復讐不除害
朋友相衛而不相迥古之道也

楚囊瓦出奔鄭

唐辰吳入楚

吳何以不稱子反夷狄也其反夷狄奈何君舍于
君室大夫舍于大夫室蓋妻楚王之母也

五年春王三月辛亥朔日有食之

夏歸粟于蔡

孰歸之諸侯歸之曷為不言諸侯歸之離至不可

得而序故言我也

於越入吳

於越者何越者何於越者未能以其名通也越者能以其名通也

六月丙申季孫隱如卒

秋七月壬子叔孫不敢卒

冬晉士鞅帥師圍鮮虞

六年春王正月癸亥鄭游速帥師滅許以許男斯歸二月公侵鄭

公至自侵鄭

夏季孫斯仲孫何忌如晉

秋晉人執宋行人樂祁犁

冬城中城

季孫斯仲孫忌帥師圍運

此仲孫何忌也曷為謂之仲孫忌譏二名二名非禮也

七年春王正月

夏四月

秋齊侯鄭伯盟于鹹

齊人執衛行人北宮結以侵衛

齊侯衛侯盟于沙澤

大雩

齊國夏帥師伐我西鄙

九月大雩

冬十月

八年春王正月公侵齊公至自侵齊

二月公侵齊三月公至自侵齊

曹伯露卒

夏齊國夏帥師伐我西鄙

公會晉師于瓦公至自瓦

秋七月戊辰陳侯柳卒

晉士鞅帥師侵鄭遂侵衛

葬曹請公

九月葬陳懷公

季孫斯仲孫何忌帥師侵衛

冬衛侯鄭伯盟于曲濮

從祀先公

從祀者何順祀也文公逆祀去者三人定公順祀
叛者五人

盜竊寶玉太弓

盜者孰謂謂陽虎也陽虎者曷為者也季氏之宰
也季氏之宰則微者也惡乎得國寶而竊之陽虎
專季氏季氏專魯國陽虎拘季孫孟氏與叔孫氏
送而食之賊而殺其板曰某月某日將殺我于蒲
周力能救我則於是至乎日若時而出臨南者陽

虎之出也御之於其乘焉季孫謂臨南曰以季氏
之世世有子子可以不免我死平臨南曰有力不
足臣何敢不勉陽越者陽虎之從弟也為右諸陽
之從者車數十乘至于孟衢臨南投策而墜之陽
越下取策臨南驟馬而由乎孟氏陽虎從而射之
矢著于莊門然而甲起於琴如弒不成却反舍于
郊皆說然息或曰弒于乘之主而不克舍此可乎
陽虎曰夫孺子得國而已如大夫何賊而曰彼哉
彼哉越駕既駕公歛處父帥師而至懂然後得免

自是走之晉寶者何璋判白方繡質龜青純

九年春王正月

夏四月戊申鄭伯釐卒

得寶主大方謂天子也然則何也謂天子也然則何也謂天子也然則何也謂天子也

何以書國實也喪之書得之書謂天子也

六月葬鄭獻公

秋齊侯衛侯次于五氏謂天子也

秦伯卒

冬葬秦哀公

十年春王三月及齊平

夏公會齊侯于頰谷公至自頰谷

晉趙鞅帥師圍衛

齊人來歸運謂天子也謹龜陰田

齊人曷為來歸運謹龜陰田孔子行乎季孫三月

不違齊人為是來歸之

叔孫州仇仲孫何忌帥師圍郟

秋叔孫州仇仲孫何忌帥師圍費

宋樂世心出奔曹

宋公子地出奔陳

冬齊侯衛侯鄭游速會于鞏

叔孫州仇如齊

宋公之弟辰暨宋仲佗石彊出奔陳

十有一年春宋公之弟辰及仲佗石彊公子地自陳

入于蕭以叛

夏四月

秋宋樂大心自曹入于蕭

冬及鄭平

叔還如鄭蒞盟

十有二年春薛伯定卒

夏葬薛襄公

叔孫州仇帥師墮郕

衛公孟彊帥師伐曹

季孫斯仲孫何忌帥師墮費

曷為帥師墮郕帥師墮費孔子行乎季孫三月不

違曰家不藏甲邑無百雉之城於是帥師墮郕帥

師墮費雉者何五板而堵五堵而雉百雉而城

秋大雩

冬十月癸亥公會齊侯盟于黃

十有二月丙寅朔日有食之

公至自黃

十有二月公圍成公至自圍成

十有二年春齊侯衛侯次于垂瑗

夏築蛇淵囿

大蒐于比蒲

衛公孟彊帥師伐曹

秋晉趙鞅入于晉陽以叛

冬晉荀寅及士吉射入于朝歌以叛

晉趙鞅歸于晉

此叛也其言歸何以地正國也其以地正國奈何
晉趙鞅取晉陽之甲以逐荀寅與士吉射荀寅與
士吉射者曷為者也君側之惡人也此逐君側之
惡人曷為以叛言之無君命也
薛弒其君比

十有四年春衛公叔戌來奔

晉趙鞅出奔宋

二月辛巳楚公子結陳公孫佗人帥師滅頓以頓子

牂歸

夏衛北宮結來奔

五月於越敗吳于檇李

吳子光卒

公會齊侯衛侯于堅

公至自會

秋齊侯宋公會于沙

天王使石尚來歸朕

石尚者何天子之士也朕者何組實也腥曰朕熟

曰燔

衛世子蒯聩出奔宋

衛公孟彊出奔鄭

宋公之弟辰自蕭來奔

大蒐于比蒲

邾婁子來會公

城莒父及霄

十有五年春王正月邾婁子來朝

駢鼠食郊牛牛死改卜牛

曷為不言其所食漫也

二月辛丑楚子滅胡以胡子豹歸

夏五月辛亥郊

曷為以夏五月郊三卜之運也

壬申公薨于高寢

鄭軒達帥師伐宋

齊侯衛侯次于蘧條

邾婁子來奔喪

其言來奔喪何奔喪非禮也

秋七月壬申妣氏卒

妣氏者何哀公之母也何以不稱夫人哀未君也

八月庚辰朔日有食之

九月滕子來會葬

丁巳葬我君定公雨不克葬戊午日下具乃克葬

辛巳葬定妣

定妣何以書葬未踰年之君也有子則廟廟則書

葬

冬城漆

[Faded bleed-through text from the reverse side of the page]

公羊傳卷十二

[Faded bleed-through text from the reverse side of the page]

元年春王正月公即位

[Faded bleed-through text from the reverse side of the page]

楚子陳侯隨侯許男圍蔡

駘鼠食郊牛改卜

夏四月辛巳郊

秋齊侯衛侯伐魯

冬仲孫何忌帥師伐邾
二年春王二月季孫斯叔孫州仇仲孫何忌帥師伐

[Faded bleed-through text from the reverse side of the page]

邾婁取濟東田及沂西田

癸巳叔孫州仇仲孫何忌及邾婁子盟于句繹

夏四月丙子衛侯元卒

滕子來朝

晉趙鞅帥師納衛世子蒯聵于戚

戚者何衛之邑也曷為不言入于衛父有子子不
得有父也

秋八月甲戌晉趙鞅帥師及鄭軒達帥師戰于栗鄭

師敗績

冬十月葬衛靈公

十有一月蔡遷于州來

蔡殺其大夫公子駟

三年春齊國夏衛石曼姑帥師圍戚

齊國夏曷為與衛石曼姑帥師圍戚伯討也此其

為伯討奈何曼姑受命乎靈公而立輒以曼姑之

義為固可以距之也輒者曷為者也蒯聵之子也

然則曷為不立蒯聵而立輒蒯聵為無道靈公逐

蒯聵而立輒然則輒之義可以立乎曰可其可奈

何不以父命辭王父命以正父命辭父命是父之
行乎子也不以家事辭王事以王事辭家事是上
之行乎下也

夏四月甲午地震

五月辛卯桓宮僖宮災

此皆毀廟也其言災何復立也曷為不言其復立
春秋見者不復見也何以不言及敵也何以書記
災也

李孫斯叔孫州仇帥師城開陽

宋樂髡帥師伐曹

秋七月丙子季孫斯卒

蔡人放其大夫公孫獵于吳

冬十月癸卯秦伯卒

叔孫州仇仲孫何忌帥師圍邾婁

四年春王三月庚戌盜殺蔡侯申

弑君賤者窮諸人此其稱盜以弑何賤乎賤者也
賤乎賤者孰謂罪人也

蔡公孫辰出奔吳

葬秦惠公

宋人執小邾婁子

夏蔡殺其大夫公孫歸姓公孫震

晉人執戎曼子赤歸于楚

赤者何戎曼子之名也其言歸于楚何子北官子

曰辟伯晉而京師楚也

城西郭

六月辛丑蒲社災

蒲社者何亡國之社也社者封也其言災何亡國

之社蓋捨之掩其上而柴其下蒲社災何以書記
災也

秋八月甲寅滕子結卒

冬十有二月葬蔡昭公

葬滕頃公

五年春城比

夏齊侯伐宋

晉趙鞅帥師伐衛

秋九月癸酉齊侯杵臼卒

冬叔還如齊

閏月葬齊景公

閏不書此何以書喪以閏數也喪身爲以閏數喪數略也

六年春城邾婁

晉趙鞅帥師伐鮮虞

吳伐陳

夏齊國夏及高張來奔

叔還會吳于柎

秋七月庚寅楚子軫卒

齊陽生入于齊

齊陳乞弒其君舍

弒而立者不以當國之辭言也此其以當國之辭言之何爲諉也此其爲諉奈何景公謂陳乞曰吾欲立舍何如陳乞曰所樂乎爲君者欲立之則立之不欲立則不立君如欲立之則臣請立之陽生謂陳乞曰吾聞子蓋將不欲立我也陳乞曰夫干乘之主將廢正而立不正必殺正者吾不立子者

所以生子者也走矣與之玉節而走之景公死而
 會立陳乞使人迎陽生子諸其家除景公之喪諸
 大夫皆在朝陳乞曰常之母有魚菽之祭願諸太
 夫之化我也諸大夫皆曰諾於是皆之陳乞之家
 坐陳乞曰吾有所為甲請以示焉諸大夫皆曰諾
 於是使力士舉巨囊而至于中雷諸大夫見之皆
 色然而駭開之則闐然公子陽生也陳乞曰此君
 也巳諸大夫不得已皆逡巡北面再拜稽首而君
 之爾自是往弒舍

冬仲孫何忌帥師伐邾婁
 宋向巢帥師伐曹

七年春宋皇瑗帥師侵鄭

晉魏曼多帥師侵衛

夏公會吳于鄆

秋公伐邾婁八月己酉入邾婁以邾婁子益來

入不言伐此其言伐何內辭也若使他人然邾婁
 子益何以名絕曷為絕之獲也曷為不言其獲內
 大惡諱也

宋人圍曹

冬鄭駟弘帥師救曹

八年春王正月宋公入曹以曹伯陽歸

曹伯陽何以名絕曷為絕之滅也曷為不言其滅諱同姓之滅也何諱乎同姓之滅力能救之而不救也

吳伐我

夏齊人取謹及闡

外取邑不書此何以書所以略齊也曷為略齊為

以邾婁子益來也

歸邾婁子益于邾婁

秋七月

冬十有二月癸亥杞伯過卒

齊人歸謹及闡

九年春王二月葬杞僖公

宋皇瑗帥師取鄭師于雍丘

其言取之何易也其易奈何詐之也

夏楚人伐陳

秋宋公伐鄭

冬十月

十年春王二月邾婁子益來奔

公會吳伐齊

三月戊戌齊侯陽生卒

夏宋人伐鄭

晉趙鞅帥師侵齊

五月公至自伐齊

葬齊悼公

衛公孟彊自齊歸于衛

薛伯寅卒

秋葬薛惠公

冬楚公子結帥師伐陳吳救陳

十有一年春齊國書帥師伐我

夏陳轅頗出奔鄭

五月公會吳伐齊甲戌齊國書帥師及吳戰于艾陵

齊師敗績獲齊國書

秋七月辛酉滕子虞母卒

冬十有一月葬滕隱公

衛世叔齊出奔宋

十有二年春用田賦

何以書譏何譏爾譏始用田賦也

夏五月甲辰孟子卒

孟子者何昭公之夫人也其稱孟子何諱娶同姓

蓋吳女也

公會吳于橐臬

秋公會衛侯宋皇瑗于運

宋向巢帥師伐鄭

冬十有二月螽

何以書記異也何異爾不時也

十有三年春鄭軒達帥師取宋師于曲

其言取之何易也其易奈何詐反也

夏許男戍卒

公會晉侯及吳子于黃池

吳何以稱子吳王會也吳王會則曷為先言晉侯

不與夷狄之王中國也其言及吳子何會兩伯之

辭也。不與夷狄之王中國，則曷為以會兩伯之辭？
言不重吳也。曷為重吳？吳在是則天下諸侯莫敢
不至也。

楚公子申帥師伐陳

於越入吳

秋公至首會

晉魏曼多帥師侵衛

此晉魏曼多也。曷為謂之晉魏多？譏二名一名非
禮也。

葬許元公

九月蠟

冬十有一月有星孛于東方

索者何？彗星也。其高于東方何？見于且也。何以書

記異也。

盜殺陳夏彊夫

十有二月蠟

十有四年春西狩獲麟

何以書記異也？何異爾？非中國之獸也。然則孰狩

之薪采者也薪采者則微者也曷為以狩言之大
 之也曷為大之為獲麟犬之曷為為獲麟大之麟
 者仁獸也者王者則至無王者則不至有以告者
 曰有麇而角者孔子曰孰為來哉孰為來哉反袂
 拭面涕泣禘顏淵死子曰噫天喪予子路死子曰
 噫天祕予西狩獲麟孔子曰吾道窮矣春秋何以
 始乎隱祖之所逮聞也所見異辭所聞異辭所傳
 聞異辭何以終乎哀十四年曰備矣君子曷為為
 春秋撥亂世反諸正莫近諸春秋則未知其為是

與其諸君子樂道堯舜之道與未不亦樂乎堯舜
 之知君子也制春秋之義以俟後聖以君子之為
 亦有樂乎此也

公羊傳卷十二終
 本陳齊魯不歸之未
 公羊傳卷十二終
 本陳齊魯不歸之未

公羊傳聞 本朝昔曾有讀之者
然未見其點本我先考羅山叟加
之訓點家藏年久今使一門生就
元本寫其點於白文而為副本者
也他日可再考焉

寬文丁未秋弘文學士

荒川宗長列行

Blank page with a light brown background, showing signs of wear, including a large tear at the top and several smaller holes and stains.

公學... 然未見... 之... 元本... 也... 文... 丁... 未... 文... 學... 龍... 行

皇朝三十七年十一月廿五日

建... 一... 日...

